



МОНГОЛ УЛС
БАЯНХОНГОР АЙМГИЙН ЗАСАГ ДАРГЫН
ЗАХИРАМЖ

2019 оны 01 сарын 28 өдөр

Дугаар А/19

Номгон

“Бүх нийтийн эрх зүйн боловсролыг
дээшлүүлэх үндэсний хөтөлбөр”-ийг
2019 онд хэрэгжүүлэх арга хэмжээний
төлөвлөгөө батлах тухай

Монгол Улсын Засаг захиргаа нутаг дэвсгэрийн нэгж түүний удирдлагын тухай хуулийн 29 дугаар зүйлийн 29.1.6-ын “а” дахь заалтыг үндэслэн, аймгийн эдийн засаг нийгмийг 2019 онд хөгжүүлэх үндсэн чиглэлийн 70 дахь заалтыг хэрэгжүүлэх зорилгоор ЗАХИРАМЖЛАХ нь:

1.“Бүх нийтийн эрх зүйн боловсролыг дээшлүүлэх үндэсний хөтөлбөр”-ийг 2019 онд хэрэгжүүлэх арга хэмжээний төлөвлөгөөг хавсралтаар баталсугай.

2.Төлөвлөгөөг хэрэгжүүлэхэд шаардагдах 8000000 /Найман сая/ төгрөгийг аймгийн эдийн засаг нийгмийг 2019 онд хөгжүүлэх үндсэн чиглэл хэрэгжүүлэх арга хэмжээний зардлаас санхүүжүүлэхийг Санхүү, төрийн сангийн хэлтэс /С.Байгалмаа/-т зөвшөөрсүгэй.

3.Төлөвлөгөөний биелэлтийг хангаж ажиллахыг Хууль, эрх зүйн хэлтэс /Д.Уранчимэг/-т үүрэг болгосугай.

4.Захирамжийн хэрэгжилтэд хяналт тавьж ажиллахыг аймгийн Засаг даргын Тамгын газар /Ц.Дашцэрэн/-т даалгасугай.

ДАРГА



Т.БАТЖАРГАЛ

1181937

Аймгийн Засаг даргын 2019 оны 01 дүгээр сарын
28-ны өдрийн А/19 дүгээр захирамжийн хавсралт



**“БҮХ НИЙТИЙН ЭРХ ЗҮЙН БОЛОВСРОЛЫГ ДЭЭШЛҮҮЛЭХ ҮНДЭСНИЙ ХӨТӨЛБӨР”-ИЙГ
2019 ОНД ХЭРЭГЖҮҮЛЭХ АРГА ХЭМЖЭЭНИЙ ТӨЛӨВЛӨГӨӨ**

Зорилго		Иргэдийн эрэлт хэрэгцээг хангахуйц эрх зүйн мэдээ, мэдлэгийг цахим болон цахим бус байдлаар нээлттэй хүртээмжтэй энгийн хялбарчилсан хэлбэрээр хүргэх замаар бүх нийтийн эрх зүйн боловсролыг тасралтгүй дээшлүүлэх тогтолцоог бүрдүүлэхэд хөтөлбөрийн зорилго оршино.					
Үр нөлөө		1.Эрх зүйн албан бус сургалт сурталчилгааг иргэдэд хүргэх, тэднийг мэдээллээр хангах үйл ажиллагааг өргөжүүлж сум, байгууллагын төвшинд хүргэж ажиллана. 2.Гэмт хэрэг, зөрчлийн тоо буурна.					
№	Үйл ажиллагаа	Бүтээгдэхүүн	Шалгуур үзүүлэлт	Хэрэгжилтийг хариуцах байгууллага	Хамтран хэрэгжүүлэх байгууллага	Хэрэгжих хугацаа	Төсөв сая/төг
1	2	3	4	5	6	7	8
Зорилт 1. Бүх нийтийн эрх зүйн боловсролын агуулга, арга зүйг хүний эрхэд суурилсан хандлага, арга зүйд нийцүүлэн боловсронгуй болгоно.							
1	Төрийн захиргааны байгууллагын удирдлагын шийдвэрийн эрх зүйн үндэслэлийг хянах тогтолцоог цахим хэлбэрт шилжүүлэх ажлыг эхлүүлэх	Тусгай программ	Төрийн захиргааны байгууллагын шийдвэрүүд эрх зүйн зөрчилгүй гарсан байна	Хууль эрх зүйн хэлтэс	Төрийн захиргааны удирдлагын хэлтэс	1 дүгээр улиралд	-
2	Аймгийн хэмжээний эрх зүйн мэдээллийг хэвлэл мэдээллийн хэрэгсэл болон цахим хэлбэрээр хүргэх ажлыг өргөжүүлэх	Эрх зүйн мэдээллийн сан	Мэдээллийн сангийн тасралтгүй, найдвартай ажиллагаа	Хууль эрх зүйн хэлтэс	ХЗДХЯ ХЗҮХ	Жилдээ	-
3	Хуулиар эрх олгосон этгээдийн гаргасан эрх зүйн үр дагавар бүхий шийдвэрийг тухайн	Эрх зүйн мэдээлэл	Тухай бүр мэдээлсэн байх	Хууль эрх зүйн хэлтэс	Шийдвэр гаргах эрх бүхий	Жилдээ	-

1	2	3	4	5	6	7	8
	асуудалд хамаарах байгууллага бүр мэдээллийн самбар, байгууллагын вэб сайтад байрлуулах ажилд хяналт тавих ажлыг зохион байгуулах				этгээдүүд		
4	Сум байгууллагуудын хэмжээнд мэргэшсэн эрх зүйн хөтөчийг ажиллуулах	Сургалт	Сум бүр 3-аас доошгүй байгууллага бүр 1-ээс доошгүй эрх зүйн хөтөчтэй болсон байна.	Хууль эрх зүйн хэлтэс	ХЗДХЯ ХЗҮХ	Жилдээ	-
Зорилт 2.Бүх нийтийн эрх зүйн болон хүний эрхийн боловсролыг дээшлүүлэхэд шаардлагатай нөөцийг бүрдүүлж, тогтсон сувгуудыг бий болгон тэгш хүртээмжтэй чанартай үйлчилгээг бүх нийтэд хүргэнэ.							
5	Аймгийн хэмжээнд "Хуулиа дээдэлье" аяныг төрийн болон төрийн бус байгууллагуудтай хамтран зохион байгуулах	Аян	Хуулиа дээдэлье" аяныг 1-ээс доошгүй удаа зохион байгуулна.	Хууль эрх зүйн хэлтэс	Төрийн захиргааны удирдлагын хэлтэс	3 дугаар сард	1.5
6	Эрх зүйн албан бус сургалтыг тусгай төлөвлөгөөний дагуу: -эрх зүйн анхан шатны болон богино хугацааны сургалт, -цахим сургалт -зайны сургалт хэлбэрээр явуулах	Сургалт	Сургалтын хэлбэрүүдийг ашигласан байна	Хууль эрх зүйн хэлтэс	Сумдын ЗДТГ-ын дарга Дотоод ажилтнууд	Жилдээ	2.5
7	Баацагаан, Бөмбөгөр, Эрдэнэцогт сумдын төрийн байгууллагын эрх зүйн ажлыг сайжруулах, зөвлөн туслах ажлыг зохион байгуулах	Зөвлөн туслах ажил	Сумдын эрх зүйн ажлын үнэлгээгээр	Хууль эрх зүйн хэлтэс	Сумдын ЗДТГ	03 дугаар сар	Байгууллагын төсөв

1	2	3	4	5	6	7	8
8	Тодорхой төрлийн гэмт хэргээс урьдчилан сэргийлэх зорилгоор ТББ-уудын дунд төслийн уралдаан зарлаж, үр дүнг тооцон ажиллах	Төслийн уралдаан	Тодорхой төрлийн гэмт хэргийн нөхцөл шалтгааны судалгаа -Тухайн гэмт хэргээс урьдчилан сэргийлэх сургалт, арга хэмжээ -Тодорхой үр дүн гарсан байна	Хууль эрх зүйн хэлтэс	Төрийн бус байгууллага	03 дугаар сар	1.0
9	Улсын хэмжээнд хууль, эрх зүйн ажлаар тэргүүлсэн аймгийн ЗДТГ-ын Хууль эрх зүйн ажил, ГХУСА-тай танилцаж, туршлага судлах	Туршлага судлах	Орон нутагт тэргүүн туршлага нэвтрүүлсэн байна	Хууль эрх зүйн хэлтэс	Аймгийн ЗДТГ Хууль сахиулах байгууллага	07 дугаар сард	ГХУСА 33
10	Хүүхэд хамгаалал, гэр бүлийн хүчирхийлэлийн эсрэг шаталсан арга хэмжээг нэр бүхий 7 сумд зохион байгуулах	Арга хэмжээ	Арга хэмжээнүүд зохион байгуулагдсан байна.	Хууль эрх зүйн хэлтэс	Дэлхийн зөн орон нутгийн төсөл-2 ОУБ	Жилдээ	-
Зорилт 3.Иргэдийн эрх зүйн боловсролыг дээшлүүлэхэд бүх талын идэвхитэй оролцоог хангаж тэдний үйл ажиллагааг уялдуулна.							
11	Сумдын ЗДТГ-уудын дунд “Амжилт дагуулсан 10 сар” болзолт уралдаан зарлаж, үр дүнг тооцох	Болзолт уралдаан	Сумдын ЗДТГ-ын эрх зүйн ажил эрчимжсэн байна	Хууль эрх зүйн хэлтэс	Сумдын ЗДТГ	Жилдээ	2.0
12	Бүх нийтийн эрх зүйн боловсролыг дээшлүүлэхэд санхүү, зохион байгуулалтаар дэмжигч байгууллагыг шалгаруулах арга хэмжээг зохион байгуулах	Арга хэмжээ	Шалгаруулалтыг хийсэн байна.	Хууль эрх зүйн хэлтэс	Төрийн байгууллагууд	3 дугаар сар	300.0

1	2	3	4	5	6	7	8
13	“Эрх зүйн боловсролыг иргэн бүрт” өдөрлөг зохион байгуулах	Арга хэмжээ	Өдөрлөг зохион байгуулсан байна.		Аймгийн Засаг даргын тамгын газар	6 дугаар сард	500.0
14	Хувиараа ажил олгогчид болон хувиараа хөдөлмөр эрхлэгчидэд зориулсан сургалт зохион байгуулах	Арга хэмжээ	Нийгмийн ухамсрыг төлөвшүүлэх, иргэдийн эрх зүйн боловсролыг дээшлүүлэхэд ахиц гарсан байна	Хууль эрх зүйн хэлтэс	Төрийн болон төрийн бус байгууллагууд	5 дугаар сард	200.0

_____оОо_____